

西山記許真君與吳君還豫章因歸逍遙山日與弟子講論  
教戒鄉里人皆遷善遠罪仁孝興行嘗有以鐵燈檠詣山售  
者真君買之夜為燈照漆剝處細視之乃黃金也遽訪其人  
還之

### 伯慈疾愈禮正身輕

真誥范伯慈有邪勞之疾頓卧經年費用家財而疾不除於  
是發心入道棄俗務靜坐修養五十日而疾愈於是入天目  
山服食精思十九年感真仙降授丹藥服食白日昇天補為  
元一真人

衡山有學道者張禮正初遇西城王君授丹方服食自後日

### 道藏輯要

三洞群仙錄

卷

翼集五

川三三

明身輕日行五百里東華帝君遣迎白日乘雲上昇

### 漢武四多黃帝七昧

仙傳拾遺月支使者謂武帝曰眼多視則貪恣口多言則犯  
難心多動則淫賊身多飾則奢侈未有用此四多而天下成  
治者也

黃帝內傳王母授帝七昧之術帝曰何謂七昧王母曰目昧  
卽不明耳昧卽不聰口昧卽不爽鼻昧卽不通手昧卽不固  
足昧卽不正心昧卽不真但心不亂卽真矣目不昧卽明矣  
耳不昧卽聰矣口不昧卽爽矣鼻不昧卽通矣手不昧卽固  
矣足不昧卽正矣是知七昧其要在一一之稍昧六昧俱塞